



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Quid est Missa, id est, cur celebretur. tit. 103

urn:nbn:de:hbz:466:1-29452

Tertiò, quãdò post admissum peccatũ timebant se excidisse à cõmunionẽ Christi, & amisisse gratiam, & maximè per manifesta opera carnis, Gala. 5. tunc frequenter communicabant, vt certiores fierent se iterũ esse in cõmunionẽ Christi & Ecclesiæ, &c.

Secundò, Apostolus 1. Corint. 11. corripit maximè eos, qui frequenter communicant, sed indignè, vt fornicarius, aut sacerdos propter pecuniam, aut ex consuetudine & officio, sine omni deuotione & timore Dei, ita quòd plures, si non timerent homines, in die tres aut quatuor Missas propter pecuniam legerent, &c. Et sic propter indignam tractationem sacramenti, iam bella, infirmitates, & multa alia incommoda fune in mundo, & tandèm in iudicio manifestũ erit, &c. Etiam punitur mundus iam, quia sacramento unitatis vtuntur ad dissidium, vt sectæ. Cyprian. sermone 5. de lapsis.

*QVID EST MISSA, ID EST,
cur celebretur.*

TITVLVS CIII.

MISSA est opus, in quo iuxta mādaturum Christi peragitur memoria passionis suæ, & panis in suum corpus, & vinum in sanguinem virtute & vi Christi verborũ transsubstantiantur & sumuntur.

Primum hoc Christus præcepit faciendum, Luc. 22. Hoc facite in meã commemorationem, id est, vt circa hoc pensetis causam, cur passus sum: Et hoc docent verba sua, Matth. 26. scilicet corpus Christi traditum in mortem, & sanguinem fufum pro peccatis nostris, quæ verba etiam includunt & compræhendunt totam fidem, & totum Euangelium nostrum, 1. Cor. 15. Hoc est Euangeliũ meum, quoniam Christus

Sf 3 mortuus

mortuus est, &c. In Missa igitur seruat, primò memoria illa passionis, quã Christus præcepit habere.

Secundum patet, Nam sacerdos celebrat non in virtute propria, & humanis verbis, sed hic statim per nomina Christi, & ore Christi dicit: Hoc est corpus meum. Hic est sanguis meus, &c. Et ipse Christus mutatur in corpus, & vinum in sanguinem sicut etiam baptizat, Ioan. 1. Hic est qui baptizat &c. Quòd autem certò credamus, quòd post prolata verba à sacerdote Christi loco, hic sit verus sanguis & verum corpus, ipse Christus testatur, qui est veritas summa loqui & mentiri non potest. Qui ergò hic dubitat, graviter peccat, quia Deum mendacem facit. Ioan. 5. Nemo enim Christus sic operari vellet, & mutare panem in corpus, non dixisset, Hoc facite. Si ergò vult ibi esse Christus post prolationem verborum in speciebus, in corpore sanguinè, ergò etiam cum sua Deitate est, eò quòd nunquam potest diuidi à carne & sanguine: Sicut ergò vnum promissit, ita & reliquum &c. Idèd mentiuntur sectæ, de sola carne & sanguine sine Deitate loquentes.

Tertium in Missa est, quòd corpus & sanguis communicatur, iuxta illud Matt. 26. Accipite & comestis. Idèd omnis sacerdos celebrans accipit sacramentum, & etiam alij, si volunt & ad sunt: Nulli enim negatur. Hæc tria sunt essentialia Missæ: Memoria, consecratio, & sumptio,

Secundò, omnia alia in Missa, sunt aut obsecrationes, id est, preces, vt introitus, & Kyrielellan. Secundò sunt orationes, id est, collectæ pro varijs statibus & rebus, omni statu Ecclesiastico & civilium viujs & defunctis. Tertio, postulationes, quas poscimus propter sanguinem passionis & mortem Christi, vt nostri misereatur, nostras orationes suscipiat, sanctis in cælo & terra associet, & hoc in canone Missæ, vbi nos sistimus ante faciè patris filium eius saluatorum.

saluatorē nostrū, petētes, vt ppter illū omniū nostrū
miseretur, vt eius sanguis omnibus nobis proffit &c.

Quartò, gratiarum actiones pro omnibus homini
bus, pro acceptis beneficijs. Et sic in complendis post
sumptionem Eucharistiæ. Et sic accidentalìa. Missæ
describuntur. 1. ad Timoth 2. vt testantur doctores,
& hanc formam obseruat hodiè Ecclesia.

Tertiò, Essentiale igitur Missæ sunt verba CHRIS-
TI, HOCESTCORPVSMEVVM, HIC EST
SANGVIS MEVS. Matth. 26. Omnia igi-
tur alia quæ circa missam fiunt, vt orationes, cære-
monia, vestimenta, gesta, crucis signaculum, &cæt. non
sunt Missa, sed sunt ad maiestatem & ornatum sacra-
menti ordinata, vt cum omni gloriofitate hoc officii-
um Missæ celebretur. Hæc est forma celebrandi Mis-
sam Catholicā. Nūcupent aduersarij testamentum,
cœnam DOMINI, mensam &cæt. non cura-
mus.

*QUIS INDIGNÈ
communicat.*

TITVLVS CIIII.

INDIGNA notantur. Primò, Quis sit qui in-
dignè scilicet communicat: Secundò,
quòd talis delinquit in corpus & sangui-
nem Christi: Tertiò, qua pœna plectan-
tur tales.

Primò, Apostolus 1. Cor. 11. dicit: Probet seipsum
homo, &cæt. Indignè manducat, qui scienter in ali-
quo peccato manifesto contra legem Dei communi-
cat, Gala. 5. vt impœnitens, adulter, yfurarius, odio-
sus sectarius, &cæt. Tales enim etsi sacramentum ac-
cipiunt, non tamen rem, id est, virtutem sacramenti
accipiunt, sicut si Iudæus sine fide baptizetur, aut de-
gloriat Eucharistiā, &cæt. Sic in peccatis cōmunicare
nihil r' oderit, cum talibus nō vult mæere Christus.

Si 4 Secundò